

植物名實圖考長編

二十九

植物名實圖考長編卷之十六

固始吳其濬著

蒙自陸應穀校刊

果類

海松子

水松

楊梅

橄欖

木威子

椰子

樹頭酒

桃椰子

甜瓜

瓜蒂附

棗柿

獼猴桃

鉤緣子

卽佛手柑
香櫟蜜羅附

朱欒

金橘

公孫桔

銀杏

西瓜

人面子

頻婆

黃皮子

羊矢子

秋風子

榛果

櫨子樹

鳧茨

卽勃臍

文光果

木桃兒樹

水茶白

野木瓜

棠梨

蜜筍柑

天茄子

無花果

海紅

波羅蜜

紗木麪

五斂子

卽羊桃

天師栗

露兜子

鏈子

雞矢果

落花生

糖刺果

番荔枝

番瓜

佛桃

岡拈子

黎臙子

山橙

瓦瓜

哈密瓜

胡頹子

都咸子

麕目

沙棠

古度

鳧茨 卽勃臍

本草綱目鳧茨根味甘微寒滑無毒主消渴痺熱溫中益氣下
丹石消風毒除胸中實熱氣可作粉食明耳目消黃疸開胃下
食厚人腸胃不飢能解毒服金石人宜之療五種膈氣消宿食
飯後宜食之治誤吞銅物主血痢下血血崩辟蠱毒

食療本草茨菰不可多食誤人常食之令人患脚又發脚氣癱
緩風損齒令人失顏色皮肉乾燥卒食之令人嘔水菟茨冷下
丹石消風毒除胸中實熱氣可作粉食明耳目止渴消黃疸若
先有冷氣不可食令人腹脹氣滿小兒秋食臍下當痛

日華子菟茨無毒消風毒除胸胃熱治黃疸開胃下食服金石藥人食之良

圖經烏芋今菟茨也舊不著所出州土苗似龍鬚而細正青色根黑如指大皮厚有毛又有一種皮薄無毛者亦同田中人並食之亦以作粉食之厚人腸胃不飢服丹石人尤宜蓋其能解毒耳爾雅謂之芍

按鳧茨非烏芋陶隱居誤爲一種圖經所述形狀正是勃臍食療本草日華子分別甚晰李時珍又以烏芋卽鳧茨語多穿鑿未可從

爾雅芍鳧苳註生下田苗似龍鬚而細根如指頭黑色可食疏
乃一名鳧苳郭云生下田中苗似龍鬚而細根如指頭黑色可
食今俗瀹而鬻之者是也

爾雅翼鳧茨生下田中苗似龍鬚而細根似指頭黑色可食名
爲鳧茨當是鳧好食之爾又有一種根苗似鳧苳而白亦生下
田中葉有兩歧如燕尾又如剪刀開白花三出名爲苳菰本草
云藉姑今人亦謂之剪刀草其生陂池中者高大比於荷蒲然
其味稍苦不及鳧苳之美苳菰種水中一莖收十二實歲有閏
則十三實今黃楊歲長一寸遇閏年則否牡丹若遇閏歲花輒

小以此知先王之正時歸餘於終非無意也鳧茨在爾雅一名
芍漢長安有蓮芍陂未必不以此地生蓮與芍而名之也東觀
漢記曰王莽末南方枯旱民多饑羣入野澤掘鳧茨而食之

說文解字注芍鳧芷也見釋艸今人謂之勃臍卽鳧芷之轉語
郭璞云苗似龍須根可食黑色是也廣雅云荜姑水芋烏芋也
名醫別錄云烏芋一名藉姑一名水萍藉與荜同音萍必芋之
誤此專謂茨菰不必因烏字牽合鳧芷也芷徂咨切从艸勺聲
胡了切二部古勺聲與弱聲同芍之可食者其弱也

文光果


本草綱目李時珍曰文光果出景州形如無花果肉味如栗五
月成熟

木桃兒樹

救荒本草木桃兒樹生中牟土山間樹高五尺餘枝條上氣脈
積聚爲疙疸狀類小桃兒極堅實故名木桃其葉似楮葉而狹
小無花又却有細鋸齒又似青檀葉梢間另又開淡紫花結子
似梧桐子而大熟則淡銀褐色味甜可食採取其子熟者食之

植物名實圖考

卷



水茶白

救荒本草水茶白生密縣山谷中科條高四五尺莖上有小刺
葉似大葉胡枝子葉而有尖又似黑豆葉而光厚亦尖開黃白
花結果如杏大狀似甜瓜瓣而色紅味甜酸果熟紅時摘取食
之

和物名實圖考

野木瓜

救荒本草野木瓜一名八月槿又名柝瓜出新鄭縣山野中蔓
延而生妥附草木上葉似黑豆葉微小光澤四五葉攢生一處
結瓜如肥皂大味甜採嫩瓜換水煮食樹熟者亦可摘食

植物名實圖考

五